



王先生遺稿

自一至二

~ 16
650
1



和6
歸650
卷1-5



鶴臺先生遺稿序

治世之音大國之風固已
澠澠泱泱乎雖然時無其
人則不可鳴其盛也時與
人相須猶金石具而樂成
焉長門先侯好學建館修

學政使國俊秀子弟游處
焉於是育英勵賢之道大
興矣往往宏器輩出相鼓
而鳴稱長門人才海內無
比瀧鶴臺先生生于其中
以豪邁之資出乎類拔乎

萃以大師顯焉往年韓使
來聘侯命先生接待之赤
馬關文辭宏富應酬敏達
韓人歎服自是聲譽益著
寵待彌隆余已師平洲紀
子紀子素與先生相信善

是以得聞先生為人常欲
一相見既會來侍讀世子
於是得因紀子為介請先
生先生是以辱于余不以
余不才循循誘掖教誨甚
厚已丑秋以余始就封與

先生別矣明年長門侯欲
使先生為祭酒以一新學
政乃以之西至則疾不能
奉命牀褥四年癸巳春遂
以易箒焉其孤士儀輯遺
文欲行之世其繼業而來

鶴臺遺稿 序
也。因紀子請余序之，余恐累先生之集，也不敢諾。其請而士儀固請不止，紀子亦謂曰：「侯何必辭？昔者此老在于斯也，延以為賓師者多，然於其知遇之厚，誰



勝侯者？老亦深感侯之德，其將死也，其書尚言侯之知不置。今也老之遺物，唯是此集，豈有侯而無為之戚焉乎？何其深辭，余不得已，敢任其役，抑先生以文

學褒然於一時如前言也
蕪辭固無重先生之集但
當答紀子與士儀之意耳
蓋以先生之才又遭其君
好學則時也彼溷溷泱泱
之音非斯人鳴其盛而其

誰也其鳴之乎此集則其
金石美哉鏘鏘乎士儀此
舉不啻孝乎其父矣亦有
勤乎鳴其國之盛者也可
不喜乎遂序

甲午季秋

甲子拾遺藤治憲撰



臣山田玄廣謹書



鶴臺先生遺稿目錄

卷之一

五言古十五首

五言律六十首

卷之二

七言律九十九首

卷之三

五言絕句五十五首

七言絕句百二十二首

卷之四

七言絕句百六十一首

卷之五

卷序二十七首

卷之六

卷紀事三首

卷之七

傳一首

行狀一首

銘五首

祭文三首

策問二首

題跋十一首

雜文五首

筆語十一首

記十首

碑誌十一首

贊十一首

說二首

告辭一首

上梁文一首

引一首

卷之八

書牘四十九首

卷之九

書牘四十首

卷之十

書牘三十八首

書齋三十八首

卷之十

書齋四十首

卷之六

書齋四十六首

卷之八

詩文五首

詩一首

鶴臺先生遺稿卷之一

長門含寵長愴彌八著

門人若太中伯禮校

五言古

贈南郭先生二首

客自遠方來麗服被綺紈明月照懷中朱華媚其顏
朝凌赤城霞暮褰漢江蘭秋蘭以為佩春霞以為餐
行行逝安適海上有神山高高神山巔下視一世間
神仙非吾類徒歎遭遇難思為雲中鳥奮翼相追攀
藹藹東城內鬱鬱王侯門車馬屬大道白日蔽紅塵

馳逐更相索來往何繽紛榮利人所欲得失如浮雲
達人在陋巷安命守其真寓志存禮樂游心詩書文
妙理通玄虛清機發微言令德人所慕安知賤與貧

送別詩

送子至河曲執手不能辭况我遊客子由來苦別離
悲風起中野蕭蕭吹我衣仰視孤雁翔哀鳴一何悲
高歌難慰愁相思且依依願子早歸來三五以爲期

八月十五夜集明倫館得漢字

孤月生東方炳耀臨高館軒楹含清暉阿閣鬱輪奐
中有多士會縱橫揮藻翰尊酒旨且多誰不樂遊伴

良朋得佳期酣飲夜將半白露下中庭宿雁起湖畔
仰見彼小星三五麗雲漢請莫問更籌驩虞須達旦

贈別賜生

荏苒歲云暮遊子去何之慷慨重意氣執手聊相携
男兒桑弧志四方寧匪宜立身孝所重令名永可期
州里猶忠信畏途况可危禍福口爲門多言人所譏
君子尚謙讓哲人慎樞機通塞命自彼榮辱念在茲
努力廣功業白日衣繡歸

贈雲洞師三首

高視風塵表遂遲逸世姿安寄思棲玄雲淨理一神知

天才如披繡揮翰，騫妙辭實。伊蕙蘭馥，寧同蕭艾萎。
人世苦難遇，與君喜同時。安得策高足，方駕萬里馳。
人生百年間，忽如白駒馳。一朝宛其死，徒與草木萎。
哲人豈如此，千載貴芳遺。遺芳如日星，庶可不朽垂。
大業雖如丘，願言企及之。與君謀良圖，令名以為期。
我本西海子，遇君東海湄。温德如清風，才思一何奇。
愛我如子弟，親我如舊知。為此親愛至，但恨相識遲。
何以報伊人，愧無瓊瑰貽。一言聊相贈，庶以明所思。

答人

朝發長門曲，夕至東城闈。城闕鬱參差，其中多佳人。

佳人温如玉，贈我芙蓉新。制之以為衣，芬芳被一身。
說懌佳人貽，襲筐以自珍。欲報無所致，搔首心憂煩。
君如惠好我，携手結殷勤。

答人二首

悲風西北起，孤雁東南翔。哀鳴戀故林，引領望舊鄉。
舊鄉阻山海，悠悠道路長。獨宿不能寐，中心自悲傷。
娥娥東隣女，蕙質懷蘭芳。同心而悅懌，携手共同牀。
歡樂及良時，相對寫中腸。薄言慰愁思，恩遇實難忘。
敬馬風飄浮雲白，日沒西隅回。車駕言邁遠，行至東吳。
依依遊子意，恨恨何所愉。慷慨思同袍，欲委以賤軀。

一。朝。感。君。義。私。情。陳。區。區。惟。念。當。別。離。會。面。且。須。臾。
戀。戀。難。為。懷。俛。仰。徒。歎。吁。此。情。命。金。石。千。歲。矢。不。渝。

祖來先生墓下作

蕭。條。郭。南。墓。宿。草。何。離。離。人。生。固。難。定。溘。如。朝。露。晞。
不。論。賢。與。愚。一。去。無。還。期。回。顧。思。伊。人。懷。舊。我。心。悲。
君。亮。有。明。德。令。望。人。所。依。吾。夙。慕。高。義。且。復。感。同。時。
跂。足。而。遠。望。日。夜。想。容。輝。不。意。歸。長。夜。千。載。與。我。違。
依。依。向。古。墳。徘徊。長。相。思。中。心。無。由。愬。揮。淚。徒。歎。歔。

哭原叔茂作

昔。我。弱。齡。日。逢。君。泮。水。濱。携。手。結。綢。繆。衷。情。日。以。親。

恩。愛。如。骨。肉。憂。樂。共。相。因。今。我。為。遠。遊。天。涯。望。參。辰。
不。意。君。棄。我。奄。忽。歸。其。真。我。為。異。鄉。客。君。為。異。路。人。
愴。恨。切。中。懷。悠。悠。從。誰。陳。

送林義卿

伊。昔。韶。年。友。凋。落。存。者。誰。與。君。携。手。好。情。義。兩。相。依。
聯。翼。遊。泮。林。棲。息。共。一。枝。各。抱。圖。南。志。吾。先。試。奮。飛。
翺。翔。武。與。洛。顧。影。恨。乖。違。豈。知。疾。風。漂。令。君。失。故。棲。
霄。漢。無。緣。凌。垂。翅。此。徊。遲。及。吾。歸。飛。日。邂逅。難。波。湄。
哀。鳴。共。斷。腸。含。悽。互。相。持。一。別。歷。多。年。好。音。杳。自。希。
今。茲。來。京。洛。相。視。且。歡。悲。青。衿。猶。同。色。白。髮。共。如。絲。

叙別訴衷曲論心一不疑良期難可復願言相追隨
豈意雄飛翼翩然向東陸歡情猶未舒渠央將別離
人生百年間離合何無期寧堪同群侶一朝忽相睽
分翼洛水上黯然淚沾衣願其慎夙夜朝陽嗶羽儀

南郭先生墓下作

東海有仙人羽衣被霓裳瑤質潔冰雪綺錦纏心腸
文彩已璨爛佩服何芬芳嗟予西鄙子聞風想容光
千里遠相尋從遊赤水傍玄珠雖難索紫芝秀可嘗
飲予以靈液玉蕊和瓊漿凡骨苦難化拜辭歸山陽
山川何悠悠年歲阻且長願言復追隨夢寐不能忘

忽聞厭塵寰駕雲遊帝鄉重來東海上中情切感傷
仙蹤杳難覓音容共渺茫長淮終絕涸湘水匿琳琅
芙蓉無由搴桂芳悲銷亡孤墳少林阿宿草蔭白楊
永懷向誰訴揮淚徒彷徨

七言古

燕歌行

飲飛健兒膽自雄長劍倚天氣如虹由來重節事任
俠許身十載從元戎三戰漁陽五出塞曾期百戰有
成功陰風八月天山傍殺氣秋高草木黃黃雲著艸
蔽白日紫塞連天月如霜夜夜樓頭羌笛怨梅花楊

柳總斷腸可憐塞北三春雁家書江南十五行君不
知閨中少婦春色闌秋夜長兮北風寒關山三千夢
不到水遠天長相逢難大漠風塵人未歸故園花鳥
今已非寄言幽燕諸年少莫將紅顏老鐵衣

夢遊富嶽吟

君不見野馬臺滄海東中有神山名芙蓉青天擘出
萬仞色白雪千秋紫氣中昨夜忽我夢登覽一時飄
然遙乘風軼埃壒兮俯蒼茫捫天門兮聊徜徉十洲
三山應指顧下瞰初日拂扶桑緱嶺仙子吹簫去瑤
池王母來奉觴玉樓照出三花樹丹鼎共醉五雲漿
石橋從來路難到豈期人間孰黃梁卧遊唯有名山
響回首芙蓉落月長

海賈獻馴象

崎陽繁華甲西垂商舶雲屯崎水湄貢賦總是殊方
產竒獸今來自南夷脩鼻長牙力殪虎可憐馴致應
指麾君不見野馬臺上卿雲起堯日挂光扶桑枝東
漸西被治化洽擊壤謳歌日載岐須知昭代深仁澤
不讓白雉獻周時

中秋集明倫館得波字

長門城上秋風起平安湖上秋雨過天上人間秋如

水明月流影映長波珠簾幾家管絃沸豪富此夕醉
綺羅吾儕風流南樓會彩筆翩翩興最多仰首風雲
生顧盼銀燭青尊酒如河階前地白鳴蟲響乘醉意
氣發高歌攝衣中庭彷徨久宴酣不問夜如何河漢
半落天寂歷回望西山月婆娑

良齋先生輓歌

六月徂暑菽水隈秋風慘黯氣悲哉歲月奄忽哲人
逝梁木之歌一何哀聞君乘鶴三山去白鶴飄然不
歸來是非人間無消息回首轉悲蕙蘭摧海上之山
秋冥冥烟波縹緲迷東溟元自三山到不得海嶽何

處問精靈憶昔自君稱鉅宿白首青衿卧授經弟子
如雲彬彬起更見玉樹生階庭長相思兮河山邈雅
音千秋不可聽唯有齋前秋草色愁看南山日日青

歲杪獲周南先生書見寄流水園歌一首賦答

衡門斜倚鷹溝邊前對西山後錦川西山白雪歌相
和流水也好寫朱絃獨奏徒悲聞者少離群索居真
可憐弱冠曾抱千秋志自期事業不朽傳窮猿投林
不擇木無奈薄羈忽相纏斗米折腰猶不足且耕東
村十畝田老母在堂常多病細君為政寧不孱豚犬
三歲纔識字還苦嬉戲攤簡編小女孩笑知指月調

弄且厭。漫青氈。犬馬之齒三十三。功業不成腹便便。
窮陰冉冉又追人。嘆息徒爾。歲月遷送。舊迎新。總奔
走。獨喜貧家長。蕭然風雪日。日不出門。衣褐擁爐。但
欲眠。天涯仄。聞南飛雁。何來白雪。郢中篇。一唱鼓琴。
且命酒。乘醉高歌以窮年。

難波篇答寄江子潮見贈

難波形勝關西雄。大海長江襟帶同。維昔先王定鼎
地。試問陳跡感不窮。誰賦梅花通諷諭。長使芬芳入
國風。更傳御製登樓詠。炊烟至今民庶豐。勝國全盛
餘功業。金城石壁奪鬼工。匝郭支流分如脉。長橋短

橋架似虹。舟舶輻湊萬貨津。往來絡繹五方民。素封
幾家公侯富。豪舉相傾財氣人。一貧一富翻手轉交
態。黃金須臾親四時。娛樂競冶遊。倡婦何人不莫愁。
六月濯熱大江。水木蘭沙棠避暑。舟舟如遊龍。人如
玉。齊紈越羅。月見羞。新聲妙寫桑間曲。三絃相和轉
嬌喉。輕舸連軸移厨帳。美酒十千互相酬。橋橋岸岸
燭如晝。明珠迸出火星流。海西千里長門客。孤舟搖
曳秋蘆洲。酣暢聊觀太平象。揮毫意氣誇千秋。那知
君獨同臭味。七字新詩醉裏投。

益田大夫延年園歌

延年之園北溟隈。左城樓兮右鶴臺。城樓粉壁含瑞
日。鶴臺喬松鶴翔迴。天池連天無端倪。蒼波淼茫三
嶋開。宮闕如銀草木白。雲車霓裳翩然來。總憐主人
仙骨清瓊漿。玉液共相傾。園中秋高菊花發。錦綺黃
白映眼明。大如車蓋小如杯。勝似承露聳金莖。為問
長生術如何。飲朝露兮餐落英。

松川巖田二子見邀同林義卿墨水泛舟

避暑相携墨水流。短棹輕舸隨白鷗。都人士女競繁
華。載妓彈絃倚船樓。鎖魂明眸凝秋水。斷腸清歌轉
嬌喉。老來久厭脂粉氣。不管冶容花見羞。豪吟詩兮

雄飲酒。將從采石捉月遊。

送通魏之筑紫

吾本山陽長門子。雙刀倚天志四方。東都西京遊幾
度。歷遍中州與紫陽。聞君辭家從五馬。可憐壯士酬
蓬桑。臨別為說關西勝。到時探觀君勿忘。昆陽池水
月浸影。幾田林花風散香。武庫福原多陳跡。西宮墨
蘆屹相望。摩耶崢嶸化城出。飛瀑曳練飄仙裳。廣嚴
石碣人墮淚。楠子遺愛湊水傍。敏馬須磨連赤石。長
汀平沙共渺茫。望月古松悲謫居。行平見弄管小枝
猶斷腸。敦盛笛名小幻帝蒙塵據一谷。戰敗御舟何

倉黃行舟過島迷曉夢花蔭投宿憶流芳明石有姬忠度墓

路層城鬱崔嵬南海蜃氣接樓臺書寫山聳俯龍野

更有石室巨靈開石寶殿曾禰偃松蒼龍似高砂銅鐘

響如雷吉備兩祠共壯麗限境細淇流水迴細谷古

琴携來人千秋石上祇今空莓苔中備猿懸山下有吉備公鼓琴石

嚴島斜對廣陵城瓊樓玉宇象蓬萊巖邑東門錦帶

橋彩虹架空控海潮周岩國郭外橋海上遙指竈門關

凝翠堆青畫難描豐浦舊都接天壇長府仲哀帝所都赤馬關口有

壇浦安德神器沒處海色寒新羅百濟碕隱見一雙

鰲頭珠滿乾赤馬對岸有新羅碕百濟碕高麗港其右隼人祠門司關左青柳浦內裏長府

海上有乾珠滿珠二島皆在一矚列櫓如堵潮如箭烟花獻笑似長

干天塹帶水限西東一葦飄然航前豐大橋跨海通

中澤宇佐儼然應仁宮洞門鑿開羅漢窟石橋隔谿

途似窮羅漢寺依石窟為寺鑿石為道山蹊茅塞彦

山際古木陰森失蒼穹自羅漢寺距彦山九十里而

天曰水蛭三千窟宅棲方士絕頂殿廡最玲瓏四十

八澗七十里初得隴下驛亭通彦山距阪下驛七十

道蹇裳者隴頭一望肥與筑目力盡處宇宙空善導

精舍脩白業武內祠廟香火隆高良神祠阿蘇寒火夜焚

海溫泉烟氣蔽天雄禪海理楫柳川濱瓊浦殷富五

方民梵宇多擬唐山制商舶齎來殊域珍每見馬蹄
 鼠尾客時遇紫髯綠眼人可知昭代柔遠化重譯寧
 獨越裳臻征馬虺禮馬鳴坂振袂山前入唐津雷山
 風穴對寶滿共在筑前愛宕在福岡一覽勝狀新長洲如帶
 斗絕海所謂海之中道者青黛白沙無纖塵玄海藍島眉睫
 前潮水一脉接朝鮮連漪忽疊瑤池浪怒時雪山欲
 支天都府樓臺今安在鎮西都督府樓管公所詠菅公神跡獨巋
 然鐘聲依舊觀音寺梅花至今照廟堦博多街巷連
 福丘函崎香椎悶宮幽立花山前鬼夜哭毛利氏與大伴氏攻
 戰地赤馬青柳荒墟黯然愁小早川隆景築城居之赤馬青柳眺檣山

赤馬青柳共筑前驛亭檣山在小倉通津到來艤歸舟君不聞漢家太
 史司馬遷會稽禹穴沅湘浮自是胸襟遂廓落抽秘
 絢思傳千秋况復還往八千里寧學少文撫琴遊

同諸子泛墨水逢雨戲賦

同友相携墨水舟同情欲尋水源頭木葉蕭蕭兩岸
 波淒風苦雨奈鄉愁君不聞源頭仙女窟珠簾錦帳
 翡翠樓名花解語長駐春鳥鵲成橋常似秋吾曹每
 奪造化秘命蹇好事當頭休忘情翰墨猶未能天公
 豈許仙窟遊不若且痛飲酒澆胃中磊塊冷看朝雲
 暮雨夢裏風流

五言律

春興二首

烟花動千嶂。春色滿蓬蒿。白眼風塵盡。玄言意氣高。
人間失璞玉。何物堪綈袍。終日一尊酒。生途遂弁髦。
倜儻謾耽酒。清尊斗十千。停杯歌白雪。彈劍倚青天。
楊柳萬家鎖。江山四望懸。風流何所似。笑殺飲中仙。

鶴臺春望

壯士三春眼。乾坤睥睨開。孤城連大海。落日倚高臺。
積水蒼江霽。浮雲玄菟來。雄風吹不盡。意氣醉芳醅。

贈周南先生之東都

平生湖海意。分手大江干。睇盼中天色。芙蓉落日寒。
雲迷薩陀嶺。潮暗普賢灘。壯士多慷慨。何須說路難。

擬登岳陽樓

層閣枕湖開。登臨興壯哉。水吞夢澤濶。雲擁楚山來。
落日孤帆靜。長風斷雁哀。憑軒千里目。誰似少陵才。

觀音閣

峻峰天路逼。層閣倚孤岑。水落江聲壯。雲低海色深。
長風吹古木。明月照高林。萬壑方蕭瑟。悠悠物外心。
夏日遊某氏水亭得寒字

江流連兩岸。亭子枕長干。雲出孤峰遠。波搖六月寒。

披襟堪避暑把酒且憑欄為愛雄風快不知斜日殘

山房避暑

為苦人間熱暫尋物外遊泉聲當檻落山色入窓流
時見孤雲出或憐啼鳥幽何妨清淨地玄度獨相求

秋日漫興

為憐秋色老偶步散江邊山動浮雲外風高落雁前
丹楓含夕照白水走郊田此處好酣暢杖頭猶有錢

送人還張州

遊子今何去行行洛水東過關迷雨雪倚馬送飛鴻
山入美濃險水從淡海通還鄉應自好莫謂畏途中

贈并李華田望之

時李華在東都望之在洛

西京與東武東望渺浮雲獨夜關山遠各天烟樹分
雄風悲壯志落日恨離群孤雁翻飛去音書不可聞

秋日漫興

秋風吹散髮木葉動柴關事業文章在功名天地間
銜杯臨北海採菊見南山壯歲青雲志羞為時輩顏

送人之崎陽二首

一路三千里為君賦遠遊潮高赤馬海日落蜻蜒洲
春色關河滿都門風雨愁男兒重意氣何更問刀頭
春江漫不盡楊柳自蕭蕭落日悲歌起雄風征馬驕

雲含越山雨，海控浙江潮。明日人千里，相思一水遥。

送公亮之京

少壯千秋業，遠遊海內名。酒杯論意氣，翰藻思縱橫。雄劍青雲志，高歌白雪情。到時花可遍，春滿洛陽城。

遥哭祖來先生二首

芙蓉天半色，白雪慘春陰。海嶽藏神秀，鸞鸞寂雅音。招冤山月落，揮淚暮江深。千載幽蘭譜，飄零不可尋。經綸名世器，功業右文年。道述先王大，書後後聖傳。河山人已邈，湖海夢相牽。明月終長夜，黯然合浦烟。

雁

春風催北去，木落又南翔。呼月邊雲黑，過江塞草黃。離群失彭澤，孤影向衡陽。來往知何意，一聲秋思長。

雪

詞賦梁園興，藍關行路難。舞空花片片，撲檻玉珊珊。月落天山白，雲垂江樹寒。風流何所似，總作謝庭看。

雲

膚寸垂天氣，飄飄度遠岑。從風迷鶴影，惹雨起龍吟。陰霽變朝暮，往還感古今。幽人尤愛汝，出岫自無心。

北風

怒號起青海，飄忽度長城。動地孤蓬轉，捲沙征馬鳴。

飛笳夜吹月送角曉迴營不報邊庭信秋閨多少情

風

噫氣生蘋末飄颺發土囊峽鳴秋水落潮進雁聲長
忽捲天山雪時飛碣石霜未成楚臺賦却愧拂帷裳

菊

芳心秀三徑隱操對重陽日射黃金色露凝寒玉光
落英澄爽氣勁節動嚴霜不獨淵明宅東籬秋興長

蘭

叢生幽谷隩曄曄出風塵含露國香遠凌霜晚節新
芬芳楚臣佩翠艷謝家春自抱艾蕭嘆由來比美人

竹

十萬淇園美春雲度鳳鸞翠陰掩三徑雨色鎖千竿
風戛琅玕碎月明圭壁寒不妨耽嘯咏共作子猷看

桐

孤根生泗水百尺秀朝陽焦尾制琴瑟垂華棲鳳凰
高枝金井露踈影玉池霜一葉秋風動千山草木黃

梅

驛使傳消息關山笛裏移傍欄春月淡含露曉香滋
人訝清冰色禽迷白雪枝高樓題賦去東壁偏相思

對月憶吉公亮

山月漾湖水秋風吹薄帷倚樓空遠望低首永相思
庭上梧桐落江天鴻雁遲故人當此夕夢寐轉西悲

函關

峭道跨群壑關門開八州天浮湖水澗山動峽雲流
題銘憐才子棄繻歎壯遊美哉襟帶固萬國控諸侯

夏日集友人園亭得看字

稍似習家趣更憐禮數寬樹陰脫衣噴竹裏洗杯盤
鷓鴣行雲響琴臨流水彈盃簪須盡醉任作酒徒看

雨後訪義公禪房得城字

遁跡于中谷結廬倚化城窻開來嶽色風度送鐘聲

酌酒交還淡隱梧談自清勿論方內外四海弟兄情

周南先生同谷某田子高見過余綠山寓居子

高有詩見示和答

應憐遊子意携手問高陽興引琴書寄憂因杯酒忘
揚雄甘寂寞阮籍仕猖狂會面且須醉休論非故鄉

月下懷友

離群千里外踪跡嘆浮萍江上雙魚斷天涯孤劍停
悲風起中夜明月照空庭又值西飛雁哀鳴不可聽

答田子高中秋見懷

異鄉今夜月勿復問如何露滴棲鴉駭風悲塞雁多

懷人曠音息回首邈山河幽獨愁難慰把杯且放歌

早春遊驪山

春日驪山路徘徊稍可憐西指芙蓉雪東撐滄海天
霜清餘野色草短鎖寒烟行樂祇應醉長歌酒肆前

春夜對月憶故人得虞韻芙蓉館席上

可憐桃李月偏照客身孤獨坐三春色空餘一病夫
薄遊誤踪跡歸思滿江湖縱是乘良夜故人遂有無

又得東韻

好是春城月天涯恨不同倚欄憐獨夜仰首送歸鴻
弱柳微風外落梅長笛中清暉相照處思汝意無窮

春日遊真間山

野色行舟外山門大壑陰一橋通澗水小徑入空林
紅樹秋應好落花春自深扶桑何處是將向日邊尋

國府臺

深山開佛寺喬木擁高臺躍馬跡空古鳴禽春自哀
雲寒殺氣外日落長江隈寂寞鐘聲暮坐教感慨催

陪南郭金華二先生過高子式隱居得門字

隱居卜窮巷高卧掩柴門為下南州榻殊開北海樽
坐偏移白日談動入玄言長者多車轍不妨城市混

春夜神子一宅集田生有詩見示答之兼贈主

人

因貪良夜賞置酒此遊遨弄笛梅花落鼓琴山月高
興偏寄摘藻狂自解持螯不必問千古風流今我曹
訪田彥倫途中逢雨作

悲哉搖落色為雨轉霏微獨去憐長劍薄遊嘆敝衣
情偏丘壑足生豈酒杯非何似剡溪雪扁舟與盡歸
初夏過飲道遙亭

曲徑公幽澗孤亭倚翠微醉來石作枕散步雲為衣
觀水知魚樂避人甘世違一從迷洞口信宿且忘歸
海北斜月 知足軒十景

峰頭一片月欲落暫徘徊怨曉清猿遠驚霜玄鶴哀
屋梁流影處却怪玉人來何處關山曲沈沈笛裏催

南嶋晴雪 同上

當窈孤島雪晴動映朝陽珠傍海南返月殘汀上長
水波偏讓色艸樹總含光儘怪三山近飄然將揭裳

元日漫成

壯士千秋氣長風萬里波雕蟲悲小技把酒且高歌
知己青山在避人白眼多不羈應見忌俗吏竟如何

新居新歲

新築無長物書琴一酒卮高山終絕調流水自相知

門鎖翠揚色。園餘白雪枝。更看通賀客。應是歲華移。
淑氣催黃鳥。

天門初日動。春色滿江城。梅柳入看嫩。雲霞回望明。
山陰尚積雪。谷口纔啼鶯。更喜喬遷日。頻聞呼友聲。
歲初得高子。式寄題流水園作和韻却寄。

蹉跎夙昔心。遮莫歲華侵。獨奏陽春曲。誰聞流水琴。
踈慵貧愈甚。酣暢興還深。臘酒今纔熟。因思相與斟。
賀奈大夏五月初度。

豈是華封祝。君生樂地深。初筵覽揆日。湛露嘉賓心。
頌擬南山色。歌操海表音。更疑混俗吏。瘦骨似仙禽。

試毫

題詩試彩毫。擗管命新醪。才豈孤貧屈。歌將獨奏高。
存情寄丘壑。無客至蓬蒿。且喜梅花色。先來映二毛。

試毫

結宇錦川陰。清幽適我心。軒來嶽雪彩。鳥弄陽春音。
閑坐對黃卷。明窓鼓素琴。誰知此中樂。南面百城深。

赤羽橋眺望

赤羽長江曲。橋頭野色分。天低芝浦雪。鐘送綠山雲。
南國連烟水。西風亂雁群。漁舟何處去。笛裏夕陽曛。
賦得明月照積雪。

山陰懷友夕對酒獨相望月現空中影雪馳窓外光
看無竹葉色暗有梅花香何物能乘興扁舟到草堂

奉酬中即將倉公瑤韻

上國倦遊宦杜門臥海濱漁樵非避世花木供消春
那識濁流水忽承清路塵為君推愛切愧我浮名新

夏日遊某氏莊

不堪城市熱幽賞問林泉琪樹重陰合珠簾迸水懸
臨軒揮彩筆踞石弄朱絃卜夜還何妨將歌湛露篇

初冬遊飛鳥山同諸子賦得寒字

幽徑分枯草更憐楓葉殘各存丘壑僻寧厭往來難

飛鳥與天盡遠山銜日寒就中蓮嶽秀似待我曹看

秋日陪世子遊麻谷別業應命

麻溪開別業乘霽此遊觀岸綠水光冷楓青秋色寒
采芹供行厨滷栗雜珍盤不獨耽幽趣兼知稼穡難

感秋

新涼何處起月露漸將秋庭上梧桐落官中紈扇愁
單衣感逆旅短髮誰同遊當有鴻書到臨風聊上樓

席上和屈道元

吾是山陽客君元西海人酒杯初會見萍水忽相親
莫笑青衿敝請看華髮新經方生理足正好避風塵

五言排律

賦得秋日懸晴光

日華開若木。羲馭拂扶桑。浮動麗滄海。徘徊度素商。
初疑紅蓋轉。漸見赤烏翔。丹閣暫陰映。雕梁還爽涼。
林巒含翠采。物象發輝光。皇代寅賓餞。照臨覽四方。

洞春公二百年饗祀應命

海宇分爭日。藝邦龍躍時。親臣皆羽翼。將士總熊羆。
帷幄運謀畧。英雄應指麾。月山虎入柙。宮島鯨陳尸。
奄有十州土。丕開百世基。承恩彩錦服。膺選青楊辭。
貢賦持天柱。去殘定地維。明靈長廟食。來格護宗支。

鶴臺先生遺稿卷之一終

鶴臺先生遺稿卷之二

長門 瀧長愷彌八著

門人 若太中伯禮校

七言律

東都元日

拂曉扶桑紫氣流。春風吹滿蜻蜒洲。大東舊典夏正朔。昭代朝儀周列侯。海上晴雲含嶽雪。天門初日麗城樓。韶華不解未歸恨。猶自逢人說遠遊。

早春集南郭先生新居

司馬門南赤水陰。主人卜築擁園林。卧遊自愛青山

色。度曲新傳白雪音。春早梅花偏照席。寒輕杯酒共披襟。縱令東閣曳裾盛。坐客誰如北海深。

東都春興二首

春滿都門睥睨分。紅塵佳氣共氤氳。天台山上花如雪。日本橋頭騎似雲。錦障誰家金谷酒。青樓幾處石榴裙。習池獨有高陽客。倒載歸來每日曛。武昌風物客中開。滿目烟花此上臺。江渚霞生帝子恨。池塘草綠王孫哀。山陽雙鯉近寥落。北越孤鴻漫却回。爲憶故園揚柳色。應須歸去卧蒿萊。

答寄南郭先生見懷

延曆鴻圖據上游。九重城闕俯神州。風雲朝動蒼龍氣。花月春深朱雀樓。後進文章未知漢。先王禮樂獨存周。倦遊唯有青袍色。相見無人解客愁。

答東都諸子見懷四首

五陵年少鬱如林。青眼論交何處尋。賦成空有凌雲氣。曲罷自悲流水心。懷人明月遙分影。求友黃鸝時好音。可憐風雪長安夕。依舊南冠作楚吟。一從遊子上河梁。猶自風塵滯帝鄉。洛浦東看春雁遠。天台北去暮雲長。門人無恙登龍會。盃酒相逢結客場。恠得懷中明月滿。投來白壁動寒光。

大道交衢洛水西樓臺十萬與雲齊風流共見冶遊
子意氣相傾桃李蹊花外烟霞籠上苑都門雨色暗
金堤春來更爲多乘興醉裏新詩幾處題
幾年書劍傍風塵復見長安楊柳新比叡峰疑富嶽
雪祇園花想龍山春論才猶未逢奇士行樂空甘遊
酒人總爲黃金交態薄江湖無處問通津

秋日同芥彥章賦得舟字

西風吹斷帝城秋搖落尤堪悲遠遊彩筆深憐宋玉
賦紫萸徒羨張翰舟天涯鴻鯉渺何處故國山河迥
自愁更有逼人來爽氣縈絕今日向誰求

有所思

關塞天長道路難含愁不見倚欄干深知一日三秋
恨遙想單衣九月寒曲裏餘情寫別鶴鏡中孤影悲
離鸞夜來唯有金微夢腸斷紗窗落月殘

哭金華先生

風流憶昔動江關驚殺人生駒隙間翫世身長沒下
僚撥天藻自藏名山華陰雲暗鶴空怨合浦濤高珠
不還黯淡消魂搖落夕東方回首月如環

寄題山子濯葑菲園新居

卜地新開古渡頭後園近接荻蘆洲春流縈帶鶴江

水夜月徘徊雁鳴秋竹塢風清飛玉笛漁村日落送扁舟知君今自平臺客誰道家居為倦遊

功子含書詩見訊無有秋間遊琵琶湖之約余因事不果賦此答之

孤劍誰憐淹帝京書來還見故人情開緘手有握蘭真擲賦地成振玉聲洛下諸生猶卧病吳中才子舊知名秋風縱負尊鱸約應訪山陰夜雪清

送僧之東都

春風握手鶴臺頭長路關山黯自愁衣裏繫珠投夜闍掌中觀世託雲遊碧霄高霽芙蓉雪白日翻懸滄

海流好是天龍圍繞處破波無恙木蘭舟

春日宴津氏莊次韻主人

繞屋青山夕日斜開筵竹裏對烟霞青樽人醉千秋色玉樹春深一朵花雨過暮雲迷極浦天低海氣暗平沙風流相遇情無限投轄何須謾駐車

擬謁禹廟

神禹祠堂松栢陰山中雲物對蕭森悲風暮慘荒庭色落木秋鳴古樹林百代輝光傳黻冕中州貢賦列瓊琳仍思四載勞疏鑿九水會同流澤深

擬上金陵鳳凰臺

金陵城外鳳凰臺。李白當年此處來。二水秋風仍颯爾。三山晚雨更悲哉。地形南走龍盤險。天塹西連虎踞開。六代風流江左變。登臨自古使人哀。

遊牛頭寺

野寺地幽過客稀。蒼松翠竹望霏微。江東雲度迷飛鳥。樓上鐘鳴送落暉。遠水無天何處極。扁舟破浪幾人歸。徘徊耽寂情尤切。故恨風塵未拂衣。

登樓得樓字

幾日辭家此淹留。武昌城外獨登樓。群山東走金龍聳。斷岸西連墨水流。海上浮雲開二總。關門真氣擁

中州。憑軒欲擬仲宣賦。滿目斜陽渺作愁。

金川驛送別

少年才氣動山東。試向西京觀國風。驛路烟花誰寄興。燕中歌筑獨稱雄。雪消嶽色青蓮出。水落河流素練同。百二何論秦塞險。長亭五十馬車通。

芙蓉館集和石仲綠却贈

罷官蹤跡竟如何。海內名山載筆過。豪氣偏吞夢澤水。高樓長倚筑波阿。一揮當座人傳賦。五噫臨關獨唱歌。為是携來振逸響。相看和者更無多。

答義俊師見贈

才子江東鬱若林，同盟吾輩日相尋。
衡門棲息三山曲，孤劍縱橫千里心。
夢裏鄉關回首遠，人間湖海結交深。
高歌更有追雲響，何必西歸懷好音。

贈板美仲兄弟二首

君家兄弟正相宜，為賦同輝華萼詩。
懸室明珠皆照夜，生階玉樹自連枝。
更看鸞鳳和鳴日，且喜埴篔合奏時。
戀戀不唯姜被愛，還教春夢夢中知。
青年鍾愛一何深，方駕同遊翰墨林。
清世誰論懷璞怨，長風遂逞破波心。
真龍出沒平輿水，玉塵聲振正始音。
更為江東稱二陸，能將名價抵千金。

仲秋前一夕芙蓉館集

白露清風高館秋，捲簾近對絳河流。
當年不淺武昌興，今日應尋牛渚游。
歌吹誰家共待月，關山幾處空回頭。
南樓縱有明宵約，還是陰晴未可求。

同前和高子式韻却贈

明月天高此上樓，樓前爽氣逼人浮。
多病誰憐甘伏枕，雄才復見賦悲秋。
海內文章終落魄，東吳嘯詠獨風流。
相逢何必論新舊，賞會祇應秉燭遊。

九日有感

客裏每驚佳節催，登高此日更生哀。
無邊雨色秋將

盡不分菊花愁共開西北雲山長極目天涯兄弟獨
銜杯音書故國杳何處腸斷孤鴻海上來

冬日登樓

高樓落日俯城隈漠漠陰風偏自哀雲暗長天迷墨
水雪晴平野接銀臺升沈堪託青衿色飄泊聊銜濁
酒杯更有離群千里感西歸鴻雁莫徒催

三日宴多馬川

置酒相逢多馬川桃花兩岸對開筵芙蓉雪拔霞標
出琥珀杯將流水傳絲竹且尋金谷日詠歌應似永
和年彩毫為鬪青春色共識風流江左賢

夢富嶽

三峯突兀扶桑東極目登臨夢寐中白雪春含滄海
氣彩雲曉繞紫微宮似從織女將遊漢儘怪飛仙忽
御風非是高唐朝暮色賦成應復楚臺同

贈上鬚髮山人

大嶽盤空難可攀鍾靈鬱勃鎮東關天宮高掛扶桑
日磴道平臨毛野間千澗飛流歸大谷中峯積翠拱
群山羨君名勝縱登覽須問封壇勸石還

答井士良見贈

風烟一別久徘徊豈料青雲暫爾開自古楚山空泣

璞何年燕馬早登臺酒駘猶足稱名士翰藻還堪見
上才小草多羞迷出處為憐高枕卧蒿萊

哭谷長君

蒿里歌殘露未晞白楊黃草已依依閨中破斷樂昌
鏡壁上空懸萊子衣東海勝遊長入夢西京握手渺
堪歎故交屈指看如此難向滄桑問是非

三日寄懷南郭先生

臺上烟霞送塞鴻五絃揮罷坐春風朝雲夢斷人如
玉江樹天長月似弓壯歲功名抱膝過千秋意氣論
才雄遙知此日群賢座酒賦還應金谷同

三日寄懷高翼之

遲日高樓俯碧空感時恨別眺臨中林邊睥睨狂何
似鄴下才名賦更工吹笛江頭悲落照臨風海上送
歸鴻春來最是桃花水幾處流觴諸子同

中秋無月同泮宮諸子賦得望字

張宴平安湖水傍秋風倚檻各相望扁舟縱有客乘
興橫笛豈堪人斷腸明月樓頭獨不見浮雲天上還
空長何愁江海夜珠盡照出翩翩彩筆光

答徹呆師見寄

十年遁跡白雲隈丈室偏臨澗水開可識傳心依慧

業不唯經世待雄才。林花應是菩提樹。山月寧非明鏡臺。愛汝津梁情最切。故飛妙偈到蒿萊。

松崎喬松 知足軒十景

青松繚繞碧山隈。丞相祠堂樹杪開。避雨寧無留警蹕。架雲時聽激風雷。影蟠初日蒼龍動。蓋偃千秋白鶴來。磊砢何論多節目。元知大廈棟梁才。

桑山穠花 同上

桑山花樹粲飛光。遲日簾前入望長。泣露夕為羞月態。凝香曉有恨風粧。銀河水濯天孫錦。丹壑霞裁仙女裳。誰識桂叢招隱地。風流還自比河陽。

中秋卧病三輪氏亭

落木蕭蕭錦水頭。一牀伏枕對清秋。波高海上珠無有。風急嶽邊雲去留。笛裏關山月。澣淚天涯鴻雁人。添愁病來未擬。江南賦。漂泊徒憐不繫舟。

答和子萼

離群索莫此登臺。北雁遙傳錦字開。明月涼風無限思。清塵濁水豈堪哀。凌雲未擬文園令。薄宦猶論武庫才。誰道折腰混俗吏。陸沈也自好含杯。

贈周南先生

列侯邸第擁東京。盛事深知答太平。上國婚儀晉匹

配雄藩饗禮周公卿典章未問叔孫業辭命寧論子
產名自是詞臣多暇日何人聽取醉歌聲

贈田望之

平臺上客蜀相如遊公何須歎索居共識彩毫工賦
雪誰論長鋏嘆無魚府中屢草行人命柱下應求太
史書休說千秋經國事周南今日有樵漁

奉和羽林中即將倉公瓊韻却寄二首

皇朝名器世家雄都使分班侍從中青鳥何圖傳錦
字明河還恨限蒼穹愛才幕府知多士摘藻天庭總
大風想見容光春月色伊人宛在洛橋東

三千虎旅屬中郎侍衛宸宮恩寵長風藻更知關世
運羽儀何啻習朝章紫毫飛動雲冠氣尺素憑陵彩
仗光草野元非才子窟漫勞鴻鯉問山陽

人日諸子集同賦

衡門斜倚錦川濱樵唱漁歌日自親幾歲青袍猶似
舊千秋彩筆豈辭貧映盃梅送江南色呼友鶯傳海
北春此日忽因諸子到詩情還得醉中新

早春登西山大悲閣

鬱葱嶽色鎮西周澗道攀躋冰雪流山出一豐南海
盡天垂四國北鴻愁駕風帆影皆如鳥負島鰲頭總

似漚臨眺即觀塵界大眼中未極蜻蜓洲

遊冰上山和寂道師見贈作

鷲嶺岩崑雲共齊長松古木望逾迷諸天月落曉猿
怨上界風高夜鶴啼冠服傳來琳聖像樓臺化出金
仙樓遠公已許遊方外相送何妨度虎溪

初秋得宗三見懷作却寄

散髮披襟避暑樓西山爽氣動新秋砌邊露冷梧桐
落天上星稀烏鵲愁江北猶傳度信賦吳中未擬張
翰舟歸心何獨為鱸膾杯酒憐君誰與酬

再遊京和答芥彦章見贈

孤劍重來入帝州大橋不改水南流河山縱有如相
識花柳寧堪悲昔遊上國賢豪知幾許何人事業獨
千秋聞君今主駮壇會樵唱漁歌不可酬

洛水納涼答芥彦章見贈

洛陽城外洛川流避暑無人不夜遊杯酒筵酣花作
燭絃歌雲遏月如秋輕容粧出芙蓉水袷服爭登翡
翠樓自是繁華多樂事誰知獨結故鄉愁

子萼與學中諸子有唱酬并寄見示和其韻却寄

青衿遊息泮林邊多士誰如上國賢古樂音存周室

譜遺經文自孔家傳同心不淺金蘭契麗藻堪誇月
露懸獨有離群含恨客揮絃悵望北鴻前

和答田子恭早春見憶無問兒輩作

憐君抱病卧東臯綠竹亭邊嘯詠高投簡鬼園曾賦
雪棹舟雁島獨觀濤悲吟誰聽寄長鉞歸思何堪折
大刀寂寞階庭蘭玉色徒令叔氣滿蓬蒿

和答子萼席上贈君典魚見懷作

莫論交態世情踈千里比肩還不孤搦管春華摘藻
績抽簪秋興寄萼鱸匣中神物元離合臺上黃金終
日無痛飲但須消壯志扁舟携酒問西湖

鳳兮亭君病中聞余至府城見贈二律賦答

一從萃浦歎離群邈爾河山永念君庭曠滋蔓荊棘
色霜寒飄落蕙蘭芬是緣狐鼠託城社終使魚龍失
水雲自古神交無變態鯉鴻不厭屢相聞

奉酬唐橋管公惠賜瑤韻

管家世守大東文儒雅風流誰得群召對策攀丹桂
月新翻曲過彩樓雲朝參映發貂蟬色休沐携歸蘭
菊芬侍從最知宸眷渥故將博物報明君

西備海上有駕嶋玉浦人松本子祖營莊以老
焉其泉石亭榭之設遂為一方勝區於是藝候

至自東都維舟登覽者凡三君子孫以為榮焉
 今松本子寄示島記見需予詩予雖未識其人
 而聞其兄弟三人皆好學敦義所師友者多四
 方知名之士是其為需不可以辭因為題寄遠
 想云

避喧海島卜菟裘遙識林泉象外幽詞客多誇枚叔
 賦主人自擬謝鯤遊清暉亭與蜃樓起明月珠從龍
 窟浮誰料小山招隱地儼然三繫使君舟

輓秦貞父

國學招才多俊賢君家兄弟最翩翩蛛珠何事光難

并玉樹誰堪枝不連遊壯河山携手日襟虛杯酒定
 交年總悲草木同飄落獨使英名身後傳

遙奉賀太夫人六十初度代海北君

仙家甲子一周長遲日開筵萬壽觴風煖秦樓送鳳
 管霞明閨苑飄霓裳誰知軒冕諸侯貴圓得熊羆多
 子祥何恨斑衣違膝下奉歡蘭玉照萱堂

哭山世祿無吊子濯

泮宮自一首書生弱冠高傳才子名彩筆曾迎麗水
 客大風難和海東聲蚌胎波冷珠安在駭骨臺空月
 獨明遙識階庭秋色老蕙蘭飄落不堪情

答鷓鴣士寧題流水園見寄

百歲生涯一草堂。倦遊歸去卧山陽。濯纓流水隨清濁。拄笏浮雲寄行藏。吾黨朱絃悲調異。君曹彩筆羨才長。為懷都下賞音士。夜夜回頭東壁光。

答寄和子萼見懷

鄴下名聲君最賢。久將詞賦大都傳。論才傲睨千秋外。揮翰憑凌一世前。當檻玉山憐醉態。繞園流水入琴絃。不愁此調和人少。知己天涯猶比肩。

送寂道師遊天台山

台嶽鍾靈鎮帝京。中天樓觀列雕甍。霞標高自赤山

起。瀑水還飛緇澗清。香界三千龍象窟。法門八萬梵王城。登遊應有興公賦。寧惜遙投金石聲。

答寄田子恭見懷

客中秋色氣悲哉。搖落風高鴻雁來。采帛還傳鏘玉賦。黃花偏照濁醪杯。錦川波被潛虬鼓。緱嶺雲將鳴鳳開。總為知音逢不易。朱絃彈罷轉為哀。

奉酬中即將倉公瑤韻

都下久傳公子賢。天威咫尺最翩翩。漢賦猶堪誇彩筆。國風當自合朱絃。時清寧用馭戎策。朝罷誰酬應制篇。臨書重起青雲思。悵望長安北斗邊。

奉謁鎮西府管公廟

一代經綸觀國光，三台風采肅朝綱。誰圖積羽沈輕
艦，遂使浮雲蔽大陽。桂海難還明月色，梅園猶捧御
衣香。寧須西筑開都府，玉宇瓊樓鎮萬方。

某善紅毛譯無通

崎陽席上和某人見贈作西洋天文地理學

落日披襟倚畫欄，瓊山奇士此相歡。久聞南粵開蟻

鏡，今見西洋通荷蘭。萬國球圖輿地盡，一天星象玉

衡寒。逢君初識大東盛，誰道殊方重譯難。

王林同席上和作
筑紫名山環海開，雙刀匹馬此徘徊。壯遊寧效窮途

哭登覽，徒慙作賦才。交態黃金何必見，曲中流水自
堪哀。他鄉且喜多同調，相遇應須盡盃回。

謁崎陽孔廟贈祭酒存省向井先生

先生絳帳擁青衿，廟宇巋然喬木林。聲教長存夷夏
際，黼黻不改歲時心。大和絃管傳韶武，中土文章有
古今。萬卷圖書東壁似，羨君南面百城深。

崎陽輔仁堂集留別諸子分得十二侵

諸子周旋翰墨林，論文還恨別離深。天涯垂翮三秋
色，海內比肩千里心。共見新詞揮彩笈，獨憐華髮滯
青衿。西風八月多賓雁，何惜還傳金玉音。

司馬門南櫻水頭天涯孤客此淹留千秋傳業悲遲
暮萬里破波嘆壯遊東海大風終絕響芙蓉白雪自
難酬黃鶯似識太平樂隨柳嚶鳴遶御溝

送源子敬還仙臺

傳聞形勝大藩雄韎鞞方壺指掌中弱海波通王母
駕金華洞接羽人宮合離交臂悲萍水消息臨風託
鯉鴻知爾遊仙多理詠寧論天塹限西東

三日宴城東莊

美日相逢春色深名園幽趣似山陰桃花浪暖觀魚

樂柳樹綠濃聞鳥吟揮罷彩毫浮大白操來流水入
孤琴主人莫擬蘭亭帖年少恐窺陶寫心

賀三秀堅公六十覽揆公以耆德碩學選掌朝
鮮通信書疏辭令事屢往來東都對府故詩中
及此云

汰王即是文中王選佛還兼選業場眉宇含來三秀
色藻華照出五雲光北庭玉帛通行李上國命辭存
典章應化為能露世諦彌天未見倦津梁

寄題藝藩大夫淺子敦望瀛閣

大夫開閣廣陵東神女樓臺指顧中金粟花飄從月

窟。紫珠殿。現自龍宮。風傳鳳管。鈞天近。潮遶麟州。弱水通。不獨觀濤。秋興壯。揮絃應好。送春鴻。

嬰鳴館席上和答富君巖見贈

求友嚶鳴。伐木深樓。頭置酒對。披襟豪談。共挾青雲。氣痛飲誰論。白首心賦。雪寧無人。投簡送鴻。又有客揮琴。倦遊獨自多。鄉思莫怪。陶然作楚吟。

赤馬關和子萼見寄之韻子萼憑予寄詩韓客有和答

浮查暫泊。赤關濱。候館高開。迎使賓。我輩談論。皆託筆。彼都人士。半垂紳翼。軫分野連。躔度南北。重溟如比隣。寧恨雅筵。違會面。投酬共羨彩毫新。第五句失聲調

赤馬關懷古

忽聞豪傑起。山東廊廟無人長。策空終使翠華辭。鳳闕徒將神器鎖。龍宮紅裙漂浪。魂何在。金甲懷沙恨。豈窮欲向水濱問。陳迹蕭蕭木葉下。西風

赤馬關賓館呈朝鮮南秋月名玉字時韞製述官

二邦通志。此尋盟宴罷。皇華出漢京。拂雪旌旗迷。斷雁震波鼓。吹駭長鯨。早魁多士南宮試。定識大風東海聲。到日應裁枚叔發。挂帆遙指廣陵城。

同前呈成龍淵名大中字士執正使書記

箕聖封疆。鴨水東。漢陽建國地。形雄冠裳不染羶腥。

俗聲教猶存，華夏風盟府。藏書朝典重，禮曹傳命使。
槎通獨賢行，役君無憚共。喜文明氣運，同。

同前呈元玄川

名仲舉字子才副使書記

赤馬關西紫海開，海門波穩錦帆來。祥雲映日迎龍節，明月含珠滿蚌胎。賓館和歌皆大雅，王朝承寵共英才。莫論東道久留滯，刮目鄉園衣繡回。

同前聞金退石卧病舟中為贈

七言絕共二首名仁謙字士安

從事書記

彩鷁遙來赤水濱，關門駐節問通津。天涯抱病長為客，雪裏題詩多憶人。垂翅南溟望轉遠，送鴻北塞愁。

逾新難波到日梅，應好請且開顏。一朵春。

贈秋月東行二首

七言絕共四首

金山東指蜻蜒洲，海路三千行未休。天際樓臺多屨氣，波間嶋嶼總鰲頭。誰論八駿瑤池駕，寧讓孤槎銀漢遊。共羨平生男子志，懸弧今日已堪酬。

赤馬關高控紫陽，西來使者繫牙樁。北溟秋運鯤鵬化，天闕夜明奎壁光。唱和披襟人磊落，周旋委佩玉鏗鏘。相逢還恨又離別，月出東方引領長。

贈龍淵東行

七言絕共四首

使節朝辭漢水隈，艤舟幾日發東萊。照天寒火燭龍。

出。辟。海。驚。濤。金。翅。來。壯。士。寧。無。斬。蛟。氣。詞。臣。多。是。跨。
鯨。才。何。愁。港。口。迷。風。雪。列。國。逢。迎。次。第。開。

贈玄川東行七言絕
共四首

漢京秋色送龍旌。金浦浮舟五兩輕。弱冠登朝嫺進
退。來賓就館重逢迎。揮毫字挾風霜氣。當座歌振金
石聲。東道唱酬知幾處。見君藻思更縱橫。

赤馬關賓館贈秋月以下歸
時所贈

分手琳宮感隔年。喜迎歸旆竈門前。聘儀原重先王
典。辭命尤稱太史賢。一路湖山今已熟。雙關風物更
堪憐。莫言離合如萍水。此會須知未了緣。

同前贈龍淵

乘槎星使自朝鮮。遊遍歸來日出邊。海上十洲逢大
藥。洞天幾處會群仙。國風難和王仁詠。秦火獨餘徐
福篇。更有東毛古經在。憑君欲使異方傳。

同前贈玄川

使聘遙來海國東。詞臣亦調共爭雄。屬文各得歐蘇
法。論道皆傳濂洛風。事業千秋懸日月。榮華百歲寄
苓通。知君歸去遂初志。庭草依然一畝宮。

同前贈退石

成均進士總英髦。膺選尤知才氣高。遙夜悲吟長海

雪早春起色廣陵濤關津烟樹迎文旆驛路鶯花入
彩毫遠覽應多昭曠致寧論行役獨賢勞

三日彩霞館集諸子同賦花下尋盟余以疾不

得往會因賦一律以贈席上諸子

彩霞之館彩霞明詞客乘春重訂盟翠柳開眉如有
待紅桃獻笑自相迎倦遊誰問青雲志多病深知白
首情想見聯翩諸子座傳杯弄翰共嚶鳴

答寄北山元章

大東創業建諸侯萬水朝宗滄海流蓮嶽重輝龍闕
雪楓山對映虎門秋輕裘肥馬誇年少長劍雄冠競

俠遊自是昇平多盛事獨憐老病來歸休

歲暮米澤侯來章閣集得千字

薄宦天涯知幾年關山西望路三千歌成長鋏魚車
足歲暮遙音鴻鯉傳鏡裡自疑華髮影牀頭誰問草
玄篇幸逢東閣招賢日不用緜袍漫乞憐

過河子真新居

天台山下卜居幽三逕雲迷何處求豐草長林從所
好孤琴濁酒每相酬臨池初日芙蓉出尋壑清秋麋
鹿遊更有高陽雄飲侶莫言愁阮獨風流

三日彩霞館集

宿題通和 卷之二 二十
祿隱幽棲，溝水陰永和。觴咏共披襟，青袍顧影歎華髮。
黃鳥親人弄好音，摘藻應鳴昭代業。把杯誰問異鄉心，
門前車騎紛如市。爭似君家霞彩深。

三日彩霞館集留別諸子

携手同遊翰墨場，秋意氣結交長都。門杯酒共悲別驛，
路鶯花應斷腸。一乘籃轎腰下劍，五車緇帙橐中裝。
重來欲報蓬萊志，莫道尊鱸懷故鄉。

答岳子蕩

薄宦東來已十年，滿頭白髮賦歸田。倚天雄劍芙蓉雪，
破浪長風滄海船。回望雲山腸欲斷，相思鱗羽夢

難傳定交何必論，離合相見開懷杯酒前。

寄答浪華北山隱士見贈

浪華城北，幽棲沒逕蓬蒿客。欲迷蕙帳秋高，無鶴怨梅窓日永。
有鶯啼久，將詞賦雄江左，遂使才名傳海西。薄宦天涯歸未得，幾時招隱更相携。

鶴臺先生遺稿卷之二 終

...

藤井範之

